



KUERPO POLISIAL KÒRSOU

Telefòn: 866-6150 • 866-6152 • 866-6153 •

866-6154 • 866-6156 • 866-6158 •

Fax : 869-6639

E-mail: [pr.polis@polis.cw](mailto:pr.polis@polis.cw)

Wèpsait: [www.polis.cw](http://www.polis.cw)

Adrès: Winston Churchillweg z/n • Willemstad • Curaçao

## KOMUNIKADO DI PRENSA

28 febrüari 2017

066 / 2017

### Detenshon di 2 sospechoso.

Djadumingu 26 di febrüari último durante di marcha di karnaval grandi, polis a detené un hòmbler pa posishon di droga i tres otro sospechoso pa insulto i agreshon/maltrato (komunikado nr. 063/2017).

Despues di e detenshonnan aki algun persona a post un grabashon riba Facebook ku tabata reflehá solamente e parti di aktuashon di polis na e insidente sin ku e parti ku a kondusí na aktuashon polisial tabata bisto. Esaki a trese kuné ku algun persona a haña ta bon pa insultá i menasá algun agente polisial spesífiko i kuerpo polisial en general riba Facebook. Ademas nan tabata instigá e públiko kontra di polis. Menasa hopi serio a keda publiká via e medio sosial aki.

Na momento ku mando polisial a keda informá di esaki mesora a tuma kontakto ku Ministerio Públiko i a inisiá un investigashon profundo den e kaso aki. Diferente departamento spesialisá di kuerpo polisial bou di guia di Ministerio públiko a logra identifiká e sospechosonan ku a publiká e menasanan aki riba Facebook.

Fiskal di Ministerio Públiko a duna pèrmit di aresto di e sospechosonan aki.

En konekshon ku esaki riba djamars 28 di febrüari 2017 tim di aresto a detené e promé dos(2) sospechosonan:

1. e hòmbler **M.C.T. nasé na Kòrsou, 44 aña di edat.** E detenshon a tuma lugá alrededor di 14.10'or riba brùg di ponton
2. e hòmbler **R.A.M. nasé na Kòrsou, 34 aña di edat.** E detenshon a tuma lugá alrededor di 18.15'or riba Kaya Thomas Henriquez na Brievengat.

A presentá e sospechosonan dilanti un fiskal(ouksiliar) ku a ordená nan enkarselamentu pendiente di mas investigashon.

**Nota pa redakshon – no pa publikashon**

**Pa mas informashon** bo por tuma kontakto ku Departamentu di Komunikashon i Prevenshon na e numbertan di telefòn ariba menshoná.

**Orario:** djaluna pa djabièrnè di 8.00 – 22.00 or’;  
djasabra di 9.00 – 13.00 or’;  
djadumingu di 18.00 – 22.00 or’.

Por yama durante di dia pa hasi entrevista i **despues di 22.00 or’** por tuma kontakto (ku Bosero i Hefe di Departamentu di Komunikashon i Prevenshon) na number di telefòn 510-2715.